

遠安縣志

祥異

天人相與之際微矣謂瑞爲福兆何以龍麟莫救鄭魯之衰謂災爲禍萌何以水旱無損堯湯之盛其祥不盡祥異不盡異者豈非以人事之故哉鄭氏通志有災祥畧王氏玉海有祥瑞門馬氏通考有異物考皆自立義例包羅宇宙用以昭示鑒戒茲雖事屬一方而稽諸史乘信而有徵未可畧而不載也志祥異

唐鳳集於壽隆寺山

遠安縣志

祥異

一

卷四

宋寶祐年間鳳凰鳴於西山

元武宗至大三年秋七月當陽夷陵宜城遠安諸縣水

明嘉靖七年大旱蝗蟲蔽天

十七年大火有烏鴉啣火燬民廬舍東滅西焚經月不息

二十七年西泰門火

四十二年虎近城市搏獲之

四十五年天雨蟲長寸許色黑食草木殆盡

萬歷元年秋七月大水衝城郭沒民舍歲大歉

十二年大旱

十三年夏六月水秋七月雨雹大風拔木飢民逃
亡

十六七年皆旱

四十七年蝗飛蔽天

崇禎六年地震

十二年蝗

十三年夏五月雨土黃霧四塞百步內外不能辨
物旬日始霽八月蝗

國朝順治元年饑斗米值銀二兩

遠安縣志

祥異

二

卷四

二年饑米價愈增

五年大有年

六年秋大雨浹旬百川溢

八年春大風拔木雨雹如拳損麥苗

十年秋夜大雨山水暴漲毀民房漂城郭祠廟各
鄉不可勝紀

十五年孟夏大雨四鄉禾稼盡淹東城崩圮

十六年春旱秋復大旱邑侯安可願禱雨輒應歲
稍有秋

十七年冬頻火東救西焚經月不止夜巡見有物

啣火往來追之不見邑侯安可願設土地祠於
文廟之右修舊城關廟祀之災乃息

康熙十一年大有秋

三十六年饑

嘉慶十八年大旱

二十一年大水沒西城磚十七八塊

道光六年大水沒西城磚二十塊

十五年飛蝗蔽天不爲害

二十九年麥出兩歧

咸豐三年彗星見於西北尾長丈餘

遠安縣志

祥異

三

卷四

五年春日下有黑子秋大熟冬縣書李清和家牡

丹開花

六年春 文廟及書院桂實如橄欖初青色熟則

黑味辛辣破其核中有桂芽

七年秋大有年

十年立夏節大雪五月溪水泛溢夏秋飛蝗蔽日

十一年五月二十五日夜長星見西北尾指東南

抵天河八月朔卯正二刻日月合璧於張九度

同治二年六月二十八日夜溪水泛溢大傷禾稼

四年正月二十八日夜地震

遠安縣志

風俗

古者命太史陳詩以觀民風命市納賈以觀民好惡說者謂十五國有風而楚無風非無風也
篳路藍縷可想其樸惟善爲寶可想其正周召
化被江漢遠安地接荆襄其風俗可以概見第
明末疊遭兵燹謀生不足遑言禮讓方今民氣
和樂上理可期韓子云風俗與化移易其責固
在長人者志風俗

舊府志云其風樸畧民俗儉陋敬鬼重祀刀耕火耨

遠安縣志

風俗

一

卷四

舊縣志云僻處深山主客相半士尙廉恥而厭奔競
民務農桑而禁賭博漸次歸厚庶幾太古之遺風
遠俗娶婦初聘用釵鐺酒果之儀繼行納幣禮親迎
先一日設筵邀賓卽父醮子遺意合卺謁先祖贄
見舅姑以次及其家衆至三日女偕壻歸甯父母
謂之回門

喪事則初屬纊之時延僧道封殮三日行成服禮每
七日備祭謂之過七至四十九日而止朝夕上食
至百日始罷發引先一夕凡陳設奠獻唐祭諸儀
悉準家禮延鄉黨有齒德者題明旌神主是日用

鼓樂導從喪車至墓所封窆畢然後歸

縣民每逢元旦先期掃堂庭換桃符門廳飾對聯字
畫五鼓設香燭陳菓餅酒饌禮拜上下神祇序拜
尊長卜吉方出行畢謁各廟拜族戚鄉鄰謂之賀
歲初三日燒門神紙送年上九日十五日早起燃
燈燭焚香楮拜家神元宵各家張燈燃火樹紮龍
燈謳歌遊賞下浣前後童子就塾師

二月初二日土地神誕先夜燈燭鼓樂慶賀臨期拜
祝食壽麵飲福酒女不遊春男不踏青移樹接花
菓多以花朝日爲吉從此農夫舉趾蠶女始事

遠安縣志

風俗

二

卷四

三月清明各家祀先掃墓旛標塚上新亡則於社前
拜掃農夫從此播秧

四月內鄉民收麥栽秧晝夜農忙閒人稀少

四月八日釋迦佛生俗以此日嫁毛蟲用紅紙二條
作十字樣上書佛生四月八毛蟲今日嫁嫁向山
中去永遠不歸家粘壁上

五月五日懸艾於戶食角黍以雄黃硃砂入酒飲之
用艾莖灑雄黃酒於戶舍墻壁小兒則以其末塗
耳鼻云避百毒

五月十三日謂之單刀會是日類多風雨俗謂之磨

刀雨

五月二十六日爲穀生日土人有得穀不得穀但看五月二十六之諺

六月六日商賈祀楊四將軍曝衣曬書汲水造醬麥粟糧種晴曬冷收

七夕婦女陳瓜果乞巧中元前設牲醴庶饅祭先祖燒袱錢若新亡人則初一日祭接每日供祀初七日祭送從此收稻種蔬

中秋各家陳瓜果餡餅以慶月此夜之月關乎來歲元夕俗有雲掩中秋月雨灑上元燈之諺婚姻多

遠安縣志

風俗

三

卷四

於節前報期過禮

重九日蒸餠飲菊酒插茱萸以避惡登高覽勝悉倣龍山故事

十月初一日晴則少寒十六日爲寒波風俗訛爲韓婁風

冬月三一宜晴諺云冬月三一晴穀米一般平

初三一一

十一二也

臘八日寺院以豆果雜米爲糜供而食曰臘八粥是日人家汲水儲盎謂之臘水釀秫曰臘酒鹽脯曰臘肉蓋亦周禮之昔酒大易之腊肉也

二十四日爲小年朝拂屋塵夜祀竈田父燎火畦間
日照田桑營署營兵均以二十三夜祀竈

除夕各家具牲醴祀神以酒饌禮其先閭家老少葷
酒團年是夜守歲鑼鼓爆竹聲不絕鄰里交相辭
年燃燈墳墓謂之朝祖

按詹湘亭大令有權歌十八首專言遠安風俗
詳藝文

遠安縣志

鄉飲

優老之典莫隆於鄉飲酒禮古人觀於鄉而知王道之易亦謂鄉飲之行有賓有介賓以鄉之賢而有齒德者爲之介則衆賓每歲命有司舉行二次賓主揖讓相尙以齒使民知長幼之序觀此者孝弟之心可油然而生矣遠安前充此選者杳不可稽而徵諸學案間有其人採而錄之以示小邑亦知大典云志鄉飲附以耆壽

鄉飲酒禮儀注

並圖

遠安縣志

鄉飲

一

卷四

鄉飲酒禮京府及直省府州縣歲以孟春望日孟冬朔日舉行於儒學前一日執事者於儒學之講堂依圖陳設坐次司正率執事諸生習儀至日黎明執事者宰牲具饌主人及僚屬司正先詣學遣人速賓僎以下賓至主人率僚屬出迎於庠門之外揖入主居東賓居西三揖三讓而後升堂東西相向立贊兩拜賓坐僎至主人又率僚屬出迎揖讓升堂拜坐如前儀賓僎介至既就位執事者贊司正揚觶引司正由西階升詣堂中北向立執事者贊賓僎以下皆立贊揖司正揖賓僎以下皆揖

執事者以觶酌酒授司正司正舉酒曰恭惟
朝廷率由舊章敦崇禮教舉行鄉飲非爲飲食凡我
長幼各相勸勉爲臣盡忠爲子盡孝長幼有序兄
友弟恭內睦宗族外和鄉里無或廢墜以忝所生
讀畢執事者贊司正飲酒飲畢以觶授執事執事
者贊揖司正揖賓僎以下皆揖司正復位賓僎以
下皆坐贊讀律令執事者舉律令案於堂之中引
讀律令者詣案前北面立贊賓僎以下皆立行揖
禮如前讀畢復位執事者贊供饌案執事者舉饌
案至賓前次僎次介次主三賓以下各以次舉訖

遠安縣志

鄉飲

二

卷四

執事者贊獻賓主起席北面立執事者酌酒以授
主主受爵詣賓前置於席稍退贊兩拜賓答拜訖
執事者又酌酒以授主主受爵詣僎前置於席交
拜如前儀畢主退復位執事者贊賓酬酒賓起僎
從執事者酌酒授賓賓受爵詣主前置於席稍退
贊兩拜賓僎主交拜訖各就位坐執事者分左右
立以次酌酒獻三賓衆賓徧賓主以下酒三行供
羹執事者以次酌酒飲酒供饌三品畢執事者贊
徹饌候徹饌案訖贊賓僎以下皆行禮僎主僚屬
居東賓介主賓衆賓居西贊兩拜訖贊送賓以次

下堂分東西行仍三揖出庠門而退

律令

凡鄉飲酒禮序長幼論賢良別奸頑其坐席間高年有德者居上高年淳篤者並之以次序齒而列其有違條犯法者不許干與良善之席違者罪以違制敢有誼譁失禮者揚解者以禮責之



遠安縣志

鄉飲

三

卷四

明時三人

陳直翁明初什塚坪人事實無可考其墓碑有鄉飲賓字樣剔蘚錄之以示搜採不遺之意

陳志亮明季什塚坪人門閥高古儒雅樸誠正德時恭逢詔錫鄉飲得隨羣英躋明倫堂之賓而聆雅頌之音

談珏字崑玉嘉靖間明經授雲南鄂嘉縣令性清介嘗曰爲官求利不過爲不肖子孫酒色費耳何愛焉解組時行李蕭然鄂人德之爲立生祠入祀名宦歸里公舉鄉飲大賓邑侯贈以聯云

澤洽滇南棠不伐望高林下鶴爲羣

乾隆十八年舉行一次

大賓

楊國治恩貢生生平禮法自守品行端方學使開錄其優行年六十餘紳耆公舉鄉飲大賓事實冊稱其閉戶讀書成就後學洵爲齒德兼優之士

曹文植字樹玉城內人博學能文居家孝友學使開錄其優行與子于岳于嵩俱列明經年六十餘紳耆公舉鄉飲大賓事實冊稱其家世詩書

遠安縣志

鄉飲

四

卷四

學問優長洵爲允合鄉評之士後選麻城司訓不就年九十餘卒

介賓

張銘邑庠生在學多年謹守卧碑生平無絲毫可議處年老告給猶手不釋卷紳耆公舉鄉飲介賓時已七十餘事實冊稱其遵守禮法規矩先正精岐黃貧民賴之堪與此選

嘉慶八年舉行一次

大賓

周士巍字域村董家畝人與兄士岸俱列明經邑

中成學半出其門年六十餘紳耆公□鄉飲大
賓事實冊稱其養邃學優士大夫視爲模範年
高德劭億兆人奉爲典型可想見其梗概焉
李林楨字峙亭城內人學問淵博善誘後進與子
甲煊甲焯俱列明經年六十餘紳耆公舉鄉飲
大賓事實冊稱其循名責實儼品行之兼優則
古稱先復譽望之早著洵不負所舉云

耆賓

方雍璧字藍琳城內人年七十餘紳耆公舉鄉飲
介賓事實冊稱其孝友淳樸齒德俱尊

詳孝友門

遠安縣志

鄉飲

五

卷四

嘉慶十八年舉行一次

大賓

談正品洋坪人學中告給文生冲年英姿邁衆七
歲卽喜讀書鄉先達無不以遠大期之未盡所
學年七十六歲紳耆公舉鄉飲大賓事實冊稱
其事親至孝性情敦謹允協鄉評

談正達談家坪人學中告給武生少年文藝可觀
人勸達父棄文就武鄉先輩多惋惜之年七十
餘紳耆公舉鄉飲大賓事實冊稱其智勇兼備
嘉慶初充當團長敦睦宗族樂善好施足當齒

德兼優之目

耆賓

馬岳瞻字五峯城內人積學未遇教子成名年七十餘紳耆公舉鄉飲介賓事實冊稱其品行端方時人皆敬憚之有無良者姓名畏告就質者望閭自愧之風可以想其生平焉

楊培安洋坪人號叔平前縣尉楊大異之後居家孝友存心公平樂施好善教子繼震繼溥俱列庠鄉人欽其正直年七十六歲咸豐二年公舉鄉飲介賓

遠安縣志

鄉飲

六

卷四

咸豐八年選舉鄉飲賓

大賓

周維翰

歲貢生有傳

王庭瑀

歲貢生

介賓

徐文林

廩生

姜洪文

庠生有傳

耆賓

楊培安

喻吉昌

周大璜

陳德五

嚴朝選

程宗發

朱永慶

徐天煦

王正緒

何春發

余發陞

老壽

陳冕山中樸叟也年百餘歲周侯會隆養於下庠月
給梁肉免其雜徭

鄭仲極字三省性醇樸謙謹年八十志行益篤精歧
黃活人甚多安侯可願優禮之有詩

李正成年近百歲未載事實錄之不沒其名

孟靜山邑文生窮經稽古至老不倦壽八十四歲長
子調元次子調鼎俱文庠元壽八十四猶杜門課
讀鼎壽九十二學問淵博書法端楷生平寬和不
與人忤父子三人皆耆德

遠安縣志

老壽

一

卷四

劉鴻義國學生好善喜施不求人知曾領修南門大
橋監修 文武廟壽七十五長子步瀛武生率勇
隨征當陽以功列七品次子玉選號掄青博學能
文屢列優等以明經授竹谿訓導壽八十九孫式
如衛千總壽六十四咸豐七年正月二十七日襄
匪至率勇堵禦受傷死爲整歲貢生壽七十六爲
諱從九銜同治元年孝廉方正曾孫椿榮列庠
馬永年字松岑壽九十三長子岳嶧邑庠生壽九十
一次子岳嶠壽八十八孫學珍壽七十八三世四
人俱登上壽

李作殿字安邦邑隱君子也少孤貧弱冠棄儒業賈督其弟鳴謙學列庠旋食餼謙卒撫遺孤若己出子與姪同歲掇芹性方正貌温和里有構訟者邀諸家婉言勸導彼此忿立釋晚年體益健年八十餘行不杖閱蠅頭字不鏡壽九十二無疾而終子中鼎列庠孫時彥選拔鯤列庠曾孫繞膝者十數人

喻洸字湘蘭生員廷浩之父生員美昌時昌監生運昌會昌職員和昌穎昌慈昌之祖生員秀鍇秀彥秀儒秀毓秀升監生秀潤秀旺安徽知縣肇祥職

遠安縣志

老壽

二

卷四

員秀松秀嶽例貢子茂之曾祖廩生承綱文生承纓武生承綵承纘職員承林之高祖性豁達享年九十及見元孫唐邑侯祝聯云九旬高壽談何易五世同堂見也稀

楊永璽字楚玉業儒未就性孝友母陳氏年衰步履維艱晨昏背負出入始終不倦事兄永貴謹每貿易歸必侍立聽命數十年如一日鄉里稱爲孝子悌弟壽八十二子一枝臨春俱列庠

覃中和字咸甯庠生由柳林村遷龍華山麓國學宗榮宗華之父邑庠應桂應桃例貢儁徽德安訓導

仙根職員應柄應權應甲之祖邑庠廸吉祥麟瑞
麟鯤化進修蔚南杏南湖南縣丞振聲之曾祖生
平規步矩行尺寸不苟訓子孫尤兢兢以戒浮華
務眞實爲要子孫眾多皆恂謹聽教壽八十七無
疾而卒

楊培緒字裕昆性至孝五歲喪父家無石儲竭力事
母始終不懈生平行端表正年逾八旬子朝瑞列
庠

曾明聖性古直年四十八舉一子後連舉六孫壽九
十身歷四朝眼見五代今孫枝同居男女五十餘

遠安縣志

老壽

三

卷四

人藹然一堂互相友愛鄉鄰比之義門

翟敬修庠生篤行好學壽九十七子光黻亦列庠

簡文錦貢生泰之父好善樂施壽九十

吳維仁監生光斗之祖性樸直壽九十

談正希庠生世璽之父性忠直壽九十五

王廷材貢生徵璠之父廩生旭林之祖性溫和品端

正壽百歲

蘇元忠厚勤儉壽近百歲

任鴻達號雲山邑增生敦孝友嘉慶初父國佐當出
貢避難漳邑病沒冒鋒鏑裹骸歸侍母疾衣不解

帶教讀成就者多壽七十三

陳國楷忠厚謙恭務耕讀眼觀四代年逾九十孫煥
新列庠

徐必貴品行端方言語簡樸和族姓睦鄉鄰解爭訟
獨子多孫壽八十五

翟達聖邑庠生素性耿介品行端方學師嘉之康熙
四十六年立爲齋長從此學規整肅無不謹守臥
碑學者多負笈從之壽八十五

楊壽徵好善樂施教子務樸素尚勤儉年八十步履
猶健邑侯林贈以聯云神健八旬長綿鶴算占人

遠安縣志

老壽

四

卷四

瑞膝環四代快睹鳳雛蔚國華

楊永恕品行端正敬宗睦族子弟中有聰敏者必誘
掖獎勸以培成之壽八十五

徐志耀忠厚樸誠謙和勤儉子孫林立眼看四代壽
百歲

周士珍孝子明玉之孫恩貢生芝蘭之父廩生學清
之祖妻黃氏俱壽八十有餘

徐榮芳忠厚謙恭教子孫攻詩書勤耕作生子五次
增生瑞麟四廩生甲孚孫金臺樹勲文偶到庠鳳
藻業儒眼看四代年八十

張世林精地理性和平教子孫勤耕種至老不倦年
近百歲步履彌健

覃宗榮號崕峰中和長子國學生性聰慧有權略精
歧黃青囊之術嘉慶初督率鄉勇堵禦蓮匪嘗獨
乘驢往羅漢峪偵賊忽賊大隊掩至卽回身策驢
而返宛轉山谷間卒能自免見滴水巖山勢叫峻
可以爲守亂平結砦其上爲後人保聚計處世和
平治家嚴肅子弟無不恪守禮法子姪孫男列庠
列職者甚眾已見中和傳中年八十六時五世同
堂日見六代

遠安縣志

老壽

五

卷四

穆現才邑武生五歲失怙母氏趙苦節撫之讀書將
成嘉慶間見白蓮教餘黨擾害城鄉歎曰毛錐子
何能安靖地方遂棄文就武承平後自悔早棄詩
書乃課子賡颺攻苦遊庠食餼才爲人光明磊落
勤儉溫和學校中不多得今年登九十五世同堂
洵爲人瑞已照例詳請具題

徐臧字廷珍忠厚耿介子鳴盛恬中入監德占業儒
孫鴻元增貢秦封端書入監登雲凌雲列庠掄元
慶雲列職有楠有桐業儒曾孫鳳翔鳳飛俱列職
眼看四代壽八十

焦職修監生治孚治化之祖性樸實精歧黃壽九十
七

徐必練歲貢生品端學粹試輒優等教讀之外不與
他事髦而好學絳帳中鮮白丁子中峯亦列庠舌
耕可謂箕裘充紹

武生蔡正楷老成謹厚最重綱常天澤雖遙而治平
常係祖宗雖遠而祭祀必誠夫妻相敬如賓舉案
齊眉者六十載子孫更僕難數問安繞膝者七十
人紀年既過乎杖朝數富則並無負郭已重遊乎
泮水羨五世之一堂妻陳氏武生登書女壽七十

遠安縣志

老壽

六

卷四

九卒子大煒習文院試冠軍孫曾半讀半耕元孫
均幼

朱文林鄉飲賓事親孝母年九十餘問安視膳六十
餘年如一日言笑不苟排難解紛賢者敬之不肖
者畏之喪葬婚嫁無力者助之生七子二十餘孫
四代一堂闔門百餘口非耕即讀子曰桂恩貢生
攀桂聯桂孫凌漢曾孫奮揚俱列庠其餘貢成均
列銓曹者近十人壽八十有六

王世琳字燦邦監生東陽朝俊之父文生殿英職員
瑞徵之祖性孝友貌溫和嘉慶初辦軍糧修城堞

不受獎賞壽八十四

周維翰號柳溪己酉歲貢候選訓導性情爽直學問淵深司教清谿生徒林立著有牧兒語等書行世終公之世無爭鄉鄰敬服子汝珩甲辰經魁以知州發湖南試用宰益陽時迎養官署孫文瑞列庠壽七十八卒於長沙公廨

陳世珍字魯儒號青峯九歲失怙孀母周撫以成立嘉慶初蓮賊張漢潮犯境與族眾堵禦於老襄城老君廟一帶族俱捐生以赴賊怒焚其莊珍從烽烟中負母避洪砦得免後母病足背負出入七年

遠安縣志

老壽

七

卷四

餘不倦亂平業醫活人多不受謝著有醫案行世慷慨好施焚券平糶設義學戒爭訟修譜牒建支祠修文昌宮重道尊儒敬宗收族壽八十四代一堂恩錫九品鄉誅莊恪長子大川屢試前矛早逝次子浩然列庠孫曾蕃衍俱業儒

程光裕品重行優年高德劭性甘淡泊期頤無口體之求身其康強跬步昭精神之健子延緒貿遷蜀道延紀名列上庠孫曾眾多皆業儒

李逢年號力田外貌端嚴心地慈祥有古君子風與弟逢盛俱列庠以詩名逢年兼善岐黃濟人無算

時年七十有八

傅正敷號定菴工詩善隸尤精岐黃尊師重道子青藜食餼汝烜州試冠軍孫曾蕃衍時年七十有八健似中年人

王尙義字正萬忠厚和平喜談孝弟而重詩書子守先孫廷碩俱列庠四代同堂一方欽仰壽九旬猶康健將登百歲

李中鼎邑庠生鄉飲李作殿子品學酷似其父壽七十

余一槩勤儉古樸壽八十七

遠安縣志

老壽

八

卷四

王廷松忠厚樸誠壽九十八

魯程明庠生天性孝友訓子有方子泮林春林俱列庠壽八十五

望友直好讀書老而不倦子道立道順俱列庠孫贊襄廩生壽八十四

陳國泰與其弟國棟俱武生泰弓馬嫻熟喜讀孫吳書教授生徒獲雋者數十人監修沮江書院以造士倡修安陽坪河水以利民有功不伐壽七十六棟慷慨好施謹慎不放合高明沉潛爲一人斯爲難得壽七十三子發楨亦列庠崇儒列職

賢姥

廩生程之煥妻陳氏生時其母夢雲光繞室于歸後生子惟惺惟恆惟愷俱列庠孫八人列庠者光耀光烜光炤光斗光炳煥壽八十餘而卒氏壽百有一歲時邑侯許親至其家題之曰百齡壽母後無疾而終前志載長子已八十餘次子亦年踰七十甯發之妻馮氏性慈惠生四子前志載年一百零一歲猶健長子亦年八十餘五代同堂邑侯朱額其其門曰女宗人瑞

庠生談必馨之妻鄭氏貢生修來修霖監生修霽之遠安縣志

賢姥

一

卷四

母也性幽靜女儀婦儀母儀爲族黨式壽九十無疾而終

胡居仁妻徐氏壽九十其子永顯妻張氏壽亦九十庠生文鍊徐之曾孫張之孫也

談正位妻向氏監生世鼎庠生世鼎之母職員化成之祖母性閒靜享年九十七

喻存心妻蘇氏監生運昌職員和昌庠生美昌時昌之母監生秀潤庠生秀儒秀彥秀毓之祖母武生承綵之曾祖母孝慈淑惠壽九十三

吳學岱妻楊氏監生光斗母岱早逝氏尊師重道常

以親君子遠小人二語訓其子遇親族有恩貧乏者多待以舉火鄰里貸錢穀不取子有並其母不償而復來貸者仍應之待佃戶尤厚卽豐年欠租不較也斗亦善體母志推解之德遐邇戴之

周光烜妻夏氏仁厚孝慈居家儉樸欸客豐腆有古截髮之風子明修就外傳能體母志刻苦自勵入庠食餼膺房薦數次皆母之力也鄉黨賢之

貢生周光祿妻胡氏當陽廩生胡作材女貢生維翰之本生母也少嫻姆教動必以禮于歸後孝事舅姑勤持家計恤下人如子女冬夜每獨起其子喚

遠安縣志

賢姥

二

卷四

婢扶持氏曰彼亦人也獨不畏冷乎性閒靜不輕言笑孫汝珩中甲辰經魁報至微笑但作喜語一聲嗣賀者踵至不笑赤不言色怡然而已年九十一見元孫二

陳明璽妻湯氏年二十四夫亡家貧子之緒尙幼氏食力撫子衣食之外差有贏餘聞新修書院命其子捐田以充膏火又捐田以祀祖先曰吾勤苦一生子孫似我何必田子孫不似我又何必田捐以充公田可久也其眼界豈守財虜能夢見乎壽八十

武生周開科之妻李氏文生丕顯之母也樂善好施救災成美訓子以禮教婦以賢鄉黨欽之年八十五精神猶健

楊永忠之妻譚氏相夫以勤儉教子以義方次子培庸由軍功列職孫曾滿堂年九十六身猶康健

周光福之妻孫氏職員汝靜之祖母性幽靜孝翁姑和妯娌數十年同炊無詬諍語待諸姪不啻己出終歲勤勞家少有待人厚鄰里賢之

劉敏妻陳氏勤於紡績居家樸素教子元箸力於農桑日見四代壽九十

遠安縣志

賢姥

三

卷四

簡以忠妻徐氏溫柔厚重孝事翁姑教子孫以勤儉勸親族婦女以孝順壽八十八

馬正富妻任氏性溫和身淑善治家勤儉相夫以禮前志載年九十七身猶康強將登百歲

周光琪妻李氏性貞惠明義理事姑孝歸琪甫數載無出卽勸置妾善教之無妬嫉心琪亡勸紡織家少有親族悉厚遇之

邊朝佐之妻楊氏監生邦泰之母庠生中澈之祖母也年二十九而寡事姑愛而能敬教子嚴以爲慈待人厚而好施前志載道光二十五年氏年八十

一曾附其姑老楊氏詳請學憲王獎以世節揚徽
匾額今又二十二載年一百二歲矣見曾孫七人
長煥章已入庠元孫三人五世同堂髮雖皤然耳
目聰明行不須杖不特節可傳而其孝其賢其福
其壽尤爲僅見

談世垂妻劉氏中年孀居子尙佑尙啓俱幼勉力教
訓年五十二子功名俱就年八十行不須杖九十
始杖耳目聰明齒無一豁髮僅二毛將登百歲

汪朝禮妻徐氏賢孝仁慈嘉慶五年白蓮教戕其翁
姑氏撫小姑歸張卽 恩貢張珏之母中年夫故

遠安縣志

賢 姥

四

卷四

家貧撫三子成立現年九十一歲康健如常孫曾
眾多四世一堂

彭志統妻陳氏仁厚存心勤儉教子子茂林列監咸
豐七年帶男克復縣城邑侯樊優以六品頂戴孫
汝楫列文庠曾孫夢熊列武庠翰周列監元孫連
元幼同治元年八十時邑侯朱題以五世同堂匾
額壽八十二

焦玟妻周氏厚重勤儉教子有方子含英列文庠明
涇列職孫登元列武庠樹修憲修桐修俱列監壽

八十三

遠安縣志

節孝

天下壯男子有時不如貞婦人然則正氣所鍾豈獨遺巾幗哉或捐生明志或茹苦鞠孤植節雖殊要皆貫秋霜薄霄漢焉茲特博採輿論爲發彤徽庶已旌者垂汗簡而常昭未表者經採擇而並著潛德幽光不至有所湮沒矣志節孝明

劉文達妻孫氏年二十餘夫亡撫二歲子成立娶婦陶氏子又亡陶躬織紵以事姑姑年九十婦

遠安縣志

節孝

一

卷四

年六十四嘉靖間以雙節旌

廩生汪寶妻張氏夫亡氏年二十二一子幼或勸改適氏溺水自誓人乃不敢言嘉靖間旌

董麟妻張氏夫亡氏年二十餘遺二孤甘貧守節撫子成立隆慶間旌

孫銓妻談氏夫亡氏年一十八苦節七十六年子尙信尙智俱爲明經萬歷間旌

陳瑞妻盧氏夫亡氏年二十六誓欲同死以姑在而止姑卒兄憐其貧且無嗣勸之嫁閉門自縊有司爲題其墓

冷琦妻鄧氏夫亡氏年一十七孀守不渝有司以
聞建坊旌表

廩生鄒承先妻陳氏夫亡氏年二十五守柩三年
豫營後事閉門自盡與夫合葬萬歷間縣令爲
立碑於墓

楊庶明妻望氏夫亡氏年二十五遺孤尙幼撫之
成立子亡又撫孤孫成立苦節數十年

萬邦孚妻李氏崇禎七年賊犯縣境氏被掠大罵
不屈爲賊所磔

庠生李如琦妻周氏夫亡氏守節三十餘年崇禎

遠安縣志

節孝

二

卷四

間流賊破砦隊击石而死

傅試妻練氏性甘淡泊治家嚴肅相夫居積成子
功名明末避寇江陵夫歿復回遠崇禎十六年
賊黨一隻虎破鳴鳳山城氏不辱投岩死

生員張鴻業妻李氏舉人李如玉女素有淑德崇
禎末賊破砦氏觸巖死

彭九成妻白氏年二十餘夫亡二孤俱幼守志四
十餘年

生員王廷卿妻狄氏夫卒未葬氏誓三年服闋當
與同穴至期遂餓死家人合葬之

庠生簡恂妻張氏明吏部張斗樞女通文義年二十五夫亡守節三十餘年

國朝

生員陳瑾妻望氏年十五適陳四載夫卒氏奉事舅姑經理喪葬教子明旦爲諸生娶婦張氏而明旦歿張年二十八無嗣族憐其少令改適張毀容以死誓雍正九年姑媳雙旌

陳明誥妻劉氏年二十四夫亡家貧孝事公姑撫子成立乾隆初年旌

廩生曾瑄妻傅氏年二十八夫亡遺一子翁姑在

遠安縣志

節孝

三

卷四

堂氏生盡養歿盡禮小姑二人皆及時遣嫁撫孤成立守節三十年乾隆元年旌

兵丁徐正乾妻黃氏年二十四夫亡遺一子氏矢志撫孤乾隆元年旌

楊廷鳳妻傅氏年二十三夫亡子甫三歲家貧窶至饗殮不繼氏辟纊以奉翁姑撫子成立乾隆二年旌

生員姜應望妻張氏年二十四夫亡子甫三月家素貧氏矢守奉姑鞠子乾隆二年旌

李清妻王氏年二十六夫亡遺一子家貧甚舅姑

恐無以俱生令再適氏聞悲號欲投繯死乃止
事翁姑育孤子乾隆三年 旌

王士鳳妻劉氏年二十五夫亡守節三十四年乾
隆五年 旌

張愷妻李氏年二十夫亡撫子完璋爲郡諸生又
亡復撫孫成立乾隆六年 旌

傅君璋妻李氏年二十八夫亡子甫週歲家貧甚
氏勤紡績奉姑撫子食不繼則挑野菜以充之
守節四十二年乾隆七年 旌

生員朱孔陽妻劉氏年二十八夫亡家貧子幼氏

遠安縣志

節孝

四

卷四

勤女紅以給朝夕不求人助有勸之嫁者以死
拒之乾隆七年 旌

張元度妻賀氏年十八夫亡守節三十五年乾隆
八年 旌

廩生游君瑞妻張氏年二十六夫亡子甫三歲氏
矢志撫子孝事翁姑乾隆十年 旌

蕭天允妻萬氏年二十六夫亡遺子文泰教育成
立補弟子員娶媳王氏文泰文歿守節四十八

年乾隆十年 旌

湯大年妻陳氏年二十一夫亡無子以夫從子爲

嗣食貧茹苦守節三十年乾隆十年 旌

廩生廖宗文妻汪氏年二十七夫亡無子事祖翁姑及翁姑以孝撫繼嗣成立乾隆十二年 旌

楊貞女生二歲許字劉承業年十八承業遠出音耗弗通後女叔以女年逾三十改字鳴雁將及女始知撫膺痛哭剪髮奔避事得寢又數年聞承業已歿女茹荼飲泣堅操不渝四十餘年乾隆十三年 旌

萬世傳妻徐氏年二十二夫亡遺孤僅三歲鞠之成立乾隆十三年 旌

遠安縣志

節孝

五

卷四

楊文芳妻郝氏年二十三夫亡子未週歲家貧甚氏矢志撫孤艱苦備嘗乾隆十七年 旌

曾元瑞妻望氏年二十五夫亡矢志守奉姑撫子姑患毒氏口吮腥穢日數次姑愈人歎異之乾隆十八年 旌

周士嶸妻何氏年二十三夫亡無子女家徒壁立矢志養姑撫嗣子成立守節三十四年乾隆二十年 旌

葉高妻陳氏年二十三夫亡無子撫從子爲嗣苦節不渝乾隆二十年 旌

談正誼妻蕭氏年十六于歸夫亡氏年二十家貧
無子人勸改嫁剪髮自誓嗣姪世賢娶媳夫妻
雙亡遺孫甫六月又撫育成立守節三十九年
乾隆二十一年 旌

陳開光妻劉氏年二十四夫亡子甫數月氏年二
十四矢志養翁姑存歿盡禮撫遺孤克至成立
守節三十六年乾隆二十二年 旌

向甯遠妻盛氏年二十夫亡氏矢志靡他卒年五
十一乾隆二十五年 旌

韓世崇妻祁氏年二十二夫亡守節三十九年乾

遠安縣志

節孝

六

卷四

隆三十七年旌

陳明述妻黃氏年十八于歸十九夫亡守節四十
年乾隆三十七年 旌

生員何若玉妻李氏年二十二夫亡守節四十六
年嘗割股療姑病有司給匾獎之

郭紹德之妻何氏夫亡氏年二十八孝事公姑慈
育二子守節五十五年學使王獎以清節揚徽
王璽妻歐陽氏璽歿氏年二十七撫子必康必靈
享壽八十一學使王獎以匾額必康卒妻陳氏
年二十九必靈卒妻翟氏年二十四同體姑志

撫孤可稱一門三節

洪深妻陳氏深卒氏年二十四撫子國治娶妻黃氏治卒無子黃氏年二十一嗣姪爲子陳守節五十年黃守節四十九年學使王獎以世節揚徽

望友珍妻禹氏珍卒氏年二十九撫子發第孫運才俱列庠守節五十五年學使王獎以匾額曹運和妻鄒氏年二十九夫故一子二女俱幼氏上事翁姑曲盡孝養子旋天撫嗣子如己出守節五十四年學使賀獎以冰蘖完操

遠安縣志

節孝

七

卷四

邊正慶妻楊氏年二十四生子朝佐八月而慶卒氏孝慈兼盡守節六十七年媳楊氏年二十九佐死遺孤邦泰方數齡氏體姑志育嗣子學使王獎以世節揚徽

張鎬妻彭氏年二十四夫沒事姑撫子孝慈兼盡守節四十九年學使王獎以節孝可風

李甲成妻曹氏年三十夫歿家貧孝事公姑撫子世依列庠守節四十年學使王獎以清節揚徽生員蕭文泰妻王氏年十九夫亡守節三十九年賀聖宗妻史氏年二十四夫亡家貧矢志撫孤成

立守節四十四年

談士望妻余氏年二十四夫亡氏撫子必林成立
林卒又撫孫楚材等四人成立守節六十八年
學使王獎以清節揚徽

楊禹鏞妻房氏年二十四夫亡孝事孀姑數十載
道光三十年學使杜獎以節勵冰霜

魯文彩妻章氏年二十三夫亡子承明僅三歲氏
撫養成立列庠孫泮林春林亦接踵獲售守節
六十七年學使王獎以節孝可風

馬岳岫妻王氏年二十四夫亡遺一子僅三歲撫

遠安縣志

節孝

八

卷四

養成立守節五十七年學憲王獎曰清節揚徽
劉玉琪妻黃氏年二十四夫亡僅二女事翁姑盡
禮教嗣子有方守節五十五年學憲王獎曰節
孝可風

苟槐妻馬氏年二十三夫亡事翁姑盡禮撫子華
林列庠守節五十二年學憲王獎曰節孝可風
何清訓妻郭氏年二十夫亡撫子子沒撫孫守節
七十二年學憲王獎曰砥節延齡

鄔作賓妻曹氏年二十六夫亡撫子完娶子沒撫
孫成立現年八十三歲學憲王獎以匾額

何世龍妻易氏年二十六夫亡得遺腹子成立卒
辛苦終身守節四十九年學憲王獎以匾額
陳寵妻談氏年二十六夫亡撫二子成立治家勤
儉勞瘁終身守節三十八年學憲王獎以匾額
陳之剛妻蔡氏年二十七夫在馬頭河陣亡姑老
子幼氏仰事俯育道光八年王學憲獎其節孝
杜作校妻曾氏明經志學祖母氏年二十九夫故
舅亡姑存子幼氏矢志靡他生事死葬撫孤成
立守節三十二年學使王獎以節孝可風

周光國妻王氏國與弟光遠析居氏以勤儉佐夫

遠安縣志

節孝

九

卷四

起家夫歿氏年二十七遺子明珊娶媳朱氏年
二十二珊歿無嗣光遠歿妻黃氏年二十八亦
矢志同守王後捐建宗祠祭費族人義之王守
節五十年黃守節四十五年朱守節五十二年
學憲王獎以世節揚徽

翟鳳鳴妻陳氏年二十九夫亡子芹香僅六歲教
養列庠守節三十六年學憲王獎以節孝可風
馮作楷妻傅氏年二十三夫亡撫子成立守節三
十七年學憲方題曰節壽延釐

周光遠妻呂氏年二十四夫亡得遺腹子孝慈兼

盡守節五十年學憲王獎以節孝可風
庠生郝尙論妻曾氏年二十八夫故事翁姑能得
歡心翁姑卒葬祭以禮子秉蘭孫延禧俱列庠
守節六十一年學憲王獎以節孝可風
楊元德妻蹇氏年二十八夫亡孝事翁姑慈撫二
子次子景山孫汝梅俱列庠守節五十年學憲
王獎以清節揚徽

陳明棟妻戴氏年二十四夫亡事姑孝遇族里有
恩教子正蔚寓嚴於慈蔚歿氏復與媳楊氏撫
三孫成立守節四十餘年學憲王獎以清節揚

遠安縣志

節孝

十

卷四

徽

道光年間旌表二十名

徐蘭芳之妻余氏 陳 珈之妻劉氏

馬祚魁之妻趙氏 胡可傳之妻黃氏

陳明治之妻郭氏 蔡 玠之妻徐氏媳劉氏

馬世德之妻胡氏 朱運獻之妻王氏

黃光燦之妻王氏 邊朝佐之妻楊氏

張正仁之妻胡氏 黃應魁之妻許氏

黃宗儒之妻洪氏 覃宗禮之妻彭氏

陳明旦之妻張氏 汪 貴之妻謝氏

張化龍之妻孫氏 萬琉蘭之妻陳氏

余 煒之妻王氏

夔貞姑生貢思宣女幼字姚姓年十四婿卒女矢志不字年四十餘卒詳見墓誌

汪貞姑汪志榮女幼字貢生陳楨次子國祚祚聰穎非常成童卽名噪一時未及完婚而歿女矢志不字其父復受王氏聘女知乃自縊王氏子往弔靈帷上捲忽下垂靈座一轉面向內不享其祭貞烈靈異鄉黨共傳

李貞姑業儒李世傳女幼許人未嫁夫行竊鳴於

遠安縣志

節孝

十一

卷四

官官斷離異終身不嫁守貞七十六年

張高氏張可美次媳于歸後獸舅逼之不從挾以威亦然遂遭毒手檢驗時面色如生獄詞上置舅於法 詔旌其節

周人紀妻李氏年二十餘喪夫撫子二衣食常不繼里有人而獸者窺其貧百計誘之氏不可犯獸復唆訟陷其子以落其家期凍餒可誘一夜場上積草燃幾燔其舍氏心知獸所爲不敢言憂忿而沒

艾千瑞妻劉氏夫出門遠貿易多年不歸子甫乳

哺上無翁姑雖有伯叔分炊各居氏衣食自主
貧而無怨咸豐七年正月二十七襄匪陷城氏
恐受賊辱投井自盡

陳明道妻楊氏道卒氏年二十二無子撫姪之玉
成立事公姑以孝聞守節六十一年

王曰智妻鄧氏年二十八夫亡撫子者仲成立守
節四十五年者仲任宜鎮左營外委出師陣亡
媳程氏年二十六體姑志撫子守節四十九年
張梓妻李氏年十八于歸甫一月梓奉派出師陣
亡家貧無子矢志完貞守節五十六年

遠安縣志

節孝

十二

卷四

李必見妻張氏見奉派出師陣亡年二十九甘貧
撫子守節五十七年

王道順妻彭氏順出師陣亡氏年二十七家貧無
子女或勸之嫁氏以死誓守節四十六年

廩生陳文蔚妻曹氏年二十八夫病術者謂刑尅
可免氏欲代死夫力止曰我病萬無生理俱死
如子女何夫歿一子一女俱黃口氏辛勤操作
有事必默稟夫靈守節二十四年子教塏食餼
戊午舉于鄉

程光陸妻馬氏年十八子歸數月夫亡家貧苦公

姑亦逝氏歸依父母紡績度日每省墓輒哀慟
至數日不食守節五十五年

張嘉睿妻曹氏年二十六夫亡子夭撫族子爲嗣
守節五十二年有司給匾獎之

程維愉妻馬氏年十八歸愉年餘生子光華夫亡
氏撫孤斷機教讀華遂列庠娶媳劉氏年二十
九華亡遺二子俱幼馬率以守馬壽八十有四
劉現年八十有餘子延黼延仕列職

熊茂楠妻笈氏年二十六夫亡四日得遺腹子凌
漢教養兼施遂入庠守節二十七年漢列庠

遠安縣志

節孝

十三

卷四

庠生李爲梅妻程氏年二十三夫亡事姑先意承
志同寢處便供養者三十餘年子長青列庠先
卒孫三人長明經均州司訓次季皆列庠曾孫
鄉舉元孫邑庠五代一堂均蒙養育守節六十
二年

庠生李長遂妻曹氏年二十四遂卒子女俱無守
節三十六年

傅國理妻王氏歸理時姑已歿事翁以孝聞生三
子理卒氏年二十九撫子成立道光辛卯七十
節壽邑侯孫用帛書萱貞蘭茂四字加印以獎

之守節四十四年

彭志湖妻汪氏年二十九夫歿孝事翁姑撫子成立見孫兆祥食餼守節五十一年

庠生張士休之妻余氏年二十四夫歿無子立姪登甲撫養成立守節三十二年

孫法政妻談氏年二十七夫亡得遺腹子鑠伯叔欲奪其志氏守死不移苦節四十九年

望有型妻徐氏年二十七夫亡遺孤明鴻甫五歲明瀛甫週歲上有七十老翁氏孝慈兼盡守節三十六年次子瀛列庠

遠安縣志

節孝

十四

卷四

聶昌緒妻望氏緒卒氏擬於五七日祭畢從死果於周月日自經家貧無力請獎周生丕顯於

黃正岳詩稿中錄出急爲登載以表潛德

熊澤周妻徐氏年二十九夫亡無出家貧紡績度日守節五十五年

楊清祚妻宋氏年二十二夫亡一月內生遺腹子國春翁姑老邁氏孝慈兼盡守節六十二年

汪文熾妻郭氏年二十四夫亡氏紡績度日教子甲第食餼孫起羣亦食餼守節五十六年

黃玘妻胡氏年二十五夫亡家貧撫孤成立事翁

盡禮守節六十六年

廖雲鴻妻林氏年二十六夫亡撫子成立守節六十年孫曾繞膝

胡相秦妻黃氏年二十五夫亡無子撫姪承祀事翁姑克盡孝養守節四十七年

董幸林妻王氏年二十五夫亡撫子娶媳數年子亡遺腹生一女氏與媳撫育守節四十五年

王道順妻彭氏年十六夫亡無子守節六十五年庠生王槐葱妻徐氏年二十六夫亡撫子成立事

翁姑極盡孝養守節五十三年

遠安縣志

節孝

十五

卷四

庠生方志益妻陳氏年二十四夫亡僅一女立姪承嗣守節四十六年

李如松妻穆氏年二十七夫亡撫二子成立守節五十四年

武生李世俊妻望氏年二十七夫亡撫三子教養成立次中孚列庠守節三十二年

陳之甲妻韓氏年十九夫亡數月得遺腹子家貧依母家撫孤成立守節六十一年

談世珣妻陳氏年二十六夫亡翁姑在堂遺子尙開齒未周氏孝慈兼盡教子入庠食餼孫頌亦

食餼守節五十四年

馬志明妻曹氏年二十七夫亡子女俱無撫嗣成立守節二十三年

陳明書妻熊氏年二十八夫亡家貧子幼勤苦撫育甫成立子亦亡守節五十三年

陳之代妻熊氏節婦陳熊氏媳也年二十九夫亡家貧無子姑苦節氏繼其志析薪換米以奉膳守節三十四年

陳大山妻韓氏年二十一夫亡翁姑俱老子幼孝慈兼盡子俊升遊泮守節三十年

遠安縣志

節孝

十六

卷四

熊楚德妻王氏年二十六夫亡遺一子兆祥氏撫養列庠守節五十年

蘇文英妻黃氏年二十夫卒數月得遺腹子啟暘撫之列庠守節四十餘年

饒燧妻鄒氏性貞靜歸饒未一載燧亡家貧無出常依內姪貢生鄒席珍代理家務卒年八十四

曾國均妻許氏年二十九夫亡姑老子未及周歲紡績度日孝慈兼盡子貫一列庠守節四十餘

年

國學曹欽文妻鄒氏年二十八夫亡撫二子成立

次子運開列庠守節四十餘年

談尙藹妻程氏生一男三女氏年二十八夫亡孝

順翁姑和睦妯娌婚男嫁女守節三十五年

徐有楠妻翟氏年二十九夫亡子輝燾僅五齡氏

飲冰茹蘖教子列庠守節三十三年

庠生覃應桃妻汪氏夫卒氏年二十九孝翁姑和

妯娌撫長子祥麟列武庠次子鯤化列文庠守

節三十四年

廩生陳文藻妻李氏夫病侍湯藥不遑寐者年餘

夫歿氏年二十九翁老子幼孝養曲盡婦而代

遠安縣志

節孝

十七

卷四

子母而兼父長子教壘辛酉歲貢次子塋列庠

守節四十二年

李國槐妻翟氏年二十七夫亡遺孤數齡翁姑早

逝祖姑年八十餘耳目聾瞶氏以夫事祖母孝

體其志竭力事之子象離列庠

庠生徐甲冕妻楊氏年二十九夫亡二子俱幼氏

勤儉治家義方訓子規矩禮法可爲壺範守節

四十年

庠生談修林妻覃氏年二十五夫亡公姑在堂遺

孤學韓甫二歲上事下育日事紡績鄰里罕見

其面守節四十年

周明玉妻葉氏年三十玉以哭父亡氏慟不欲生
投繯者三小祥爲夫追薦畢閉門十日不食死
何應選妻周氏事公姑克全孝道嘉慶三年教匪
猝至氏義不受辱負兒匿叢棘內身中七刃死
後十三日夫尋獲氏尸母子相抱顏色如生
黃宗儒妻洪氏夫亡氏年二十二矢志撫子娶婦
生二女夫婦俱亡又撫養女孫立姪爲嗣守節
五十四年

監生翟以瑄妻徐氏年二十三夫亡祖翁姑年八

遠安縣志

節孝

十八

卷四

十翁姑年六十夫弟皆幼氏無子立姪冠峩爲
子對靈封髮孝慈兼盡守節三十八年

曾永芝妻陳氏年十七于歸十九夫亡遺腹生一
女翁姑在堂夫弟俱幼養生送死各盡其道守
節四十五年學憲孫獎以巾幘完人

沈義魁妻楊氏年十六于歸二十八夫故姑老三
子二女俱幼家貧紡績度日孝慈兼盡守節四
十二年學憲孫獎以巾幘完人

莊敷先妻李氏嘉慶三年避亂茅坪懷抱數月之
女手携六歲之姪遇賊將犯之氏護持女姪大

罵不屈身受七刃死姪女無恙姪後列庠
穆訓之妻趙氏年二十八夫亡子現才甫數歲家
赤貧撫子列庠孫賡颺食餼守節六十餘年
曹璽妻汪氏年三十夫亡上有公姑下無子女家
徒壁立氏勤紡績生盡養死盡禮克終婦職守
節四十餘年

候選吏目李超庸妻葉氏年二十八夫卒子榮紱
甫七歲孝慈兼盡守節六十八年
覃應春妻王氏年二十九夫故子女俱幼家無立
錐撫子成立守節三十三年

遠安縣志

節孝

十九

卷四

徐思端妻劉氏年二十九夫卒撫二子成立守節
五十三年

蕭家有妻陳氏年二十一夫亡撫子成立適邑修
志採訪者錄其事實其子入告氏愀然曰婦人
不幸夫亡守節乃分內事何可使聞於官也卽
此數語已見其所守之正云

陳明國妻曾氏年二十八夫亡子女俱幼氏事衰
姑以孝聞撫子之魁成立道光三十年 旌
孫宗善妻徐氏年二十七夫亡上事祖姑下撫孤
兒道光三十年 旌

監生陳國柱妻談氏年二十六夫亡撫孤崇禧列
庠守節五十五年

汪盛滋妻徐氏年二十九夫亡撫二子成立孫弼
臣人庠守節五十二年

徐思永妻蘇氏年二十八夫亡撫二子成立守節
四十四年

徐思慊妻鄒氏年二十八夫亡無子立姪天環教
以義方守節三十六年

黃士高妻焦氏年二十四夫亡立嗣孫以承祧守
節五十九年

遠安縣志

節孝

二十

卷四

李耀彩妻侯氏年二十五夫亡撫子醕儒成立守
節七十二年

廩生談尙阿妻周氏年二十八夫亡家極貧氏奉
姑撫子備盡勞瘁守節六十餘年

曾志芹妻劉氏年二十夫亡僅一女立姪承祀守
節六十餘年

馬正樂妻李氏夫亡遺三女夫孀嫂曹氏亡撫姪
如己出及姪婚女嫁始自立嗣平分家產守節

六十年

庠生周魯直妻朱氏年二十七夫亡遺一子二女

貧而有骨婚男嫁女齒髮俱落守節四十三年
熊楚傑妻歐陽氏年二十二夫亡時翁武生熊占
元在馬頭河陣亡孀姑在堂其子幼小勤儉持
家孝慈兼盡守節六十七年

陳大坤妻蔡氏年二十五夫亡無子事姑以孝守
節五十六年

陳世昌妻蔡氏年二十六夫亡子歿遵翁命立堂
姪孫學玉爲嗣紡績以供翁膳守節五十二年
楊立誥妻莫氏年十八夫亡遺腹生子懷川家極
貧賴夫兄文生立躍及叔翁監生培醕存恤成

遠安縣志

節孝

廿一

卷四

其苦志守節四十九年

庠生程光斗妻黃氏年二十二夫亡僅遺一女家
甚窘紡績度日守節七十一年

監生徐萬青妻楊氏年二十八夫亡二子俱幼氏
孝事翁姑姑病常背負出入毫無惰容撫子成
立守節四十一年

李宗珠妻李氏年二十七夫亡撫子耀經教以耕
讀勤儉及見孫曾守節五十五年

張希孟妻余氏年二十五夫亡撫姪世貴成立守
節五十七年

張希元妻楊氏年二十九夫亡撫子世富世休均
列武庠守節六十二年

鄒正棧妻馮氏年二十夫亡以禮自持守節四十
一年

任國先妻陳氏年二十九夫亡家赤貧氏兩手拮
据守節數十年

何正輔妻彭氏于歸時姑柩在堂合鬻夕卽另室
獨宿事翁孝年二十七輔亡氏早夜勤勞撫子
興家子亡撫孫列職守節六十一年

周學孔妻嚴氏年二十六寡遺腹生子家訓翁芝

遠安縣志

節孝

二十二

卷四

舜老病痰喘氏侍奉如女事父翁亡夫弟亦病
歿遺孤家謨俱撫以成立守節五十四年

薛夔妻王氏年三十夫亡撫孤成立孫元繼起目
見五代年踰九十節婦中之福人也

庠生周玉輝妻范氏年三十輝亡氏孤幃勤苦教
子明萬成立翁年八十餘氏孝養備至節孝之
名族黨稱之守節五十餘年

苟儀妻郝氏年二十七夫亡家貧撫孤成立守節
六十五年

劉尙德妻何氏年二十六夫亡率幼子良英廬墓

百日事翁姑愉色婉容撫子成立守節六十年
王德崇妻姜氏年二十三夫亡孝事翁姑撫子成
立守節四十年

王崇賢妻徐氏年二十六夫亡事翁姑以孝撫孤
子以慈守節四十八年

洪傳舉妻朱氏年二十七夫歿家貧撫子先輔先
華成立守節六十年

張世炳妻曾氏年二十九夫亡翁存氏以婦代子
撫三子成立守節六十餘年

望有榮妻朱氏年二十四夫亡無出立親族子爲
遠安縣志

節孝

二十三

卷四

嗣守節五十餘年

望仲玠妻劉氏年二十六夫亡三月得遺腹子撫
養成立守節五十餘年

職員徐必健妻萬氏年二十六夫亡撫子成立守
節四十年

曾友桐妻蕭氏年二十八夫亡僅一女家貧孝養
翁姑守節三十六年

廩生李甲鵬妻談氏年二十八夫亡公姑年衰五
子俱幼竭力養葬教育成立長子世佳娶媳趙
氏佳卒趙年二十九次子世僕娶媳周氏僕卒

周年三十三子世僖娶媳談氏僖卒談年二十
六四子世偉娶媳王氏偉卒王年二十八五子
世倜娶媳陳氏倜卒陳年二十七時談氏年七
十餘五媳俱孀諸孫皆幼家徒壁立氏率以守
查乾隆年間其祖姑李王氏曾經建坊可稱世
節

楊培璐妻程氏年二十四夫亡僅遺弱女氏矢志
守貞撫夫弟培森子爲嗣守節四十二年

曹貞姑武庠曹運開女字當陽武庠劉楚珍甫及
婚期劉病篤尋歿氏往守節事翁姑撫嗣子各

遠安縣志

節孝

二十四

卷四

盡其道現年六十六歲

黃志升妻曾氏年二十二夫亡無子守節四十三
年

王庭瑾妻鄧氏年二十四夫亡事姑克盡孝道教
子興德食餼守節五十年

李中興妻鄔氏年二十八夫亡撫三子成立長次
相繼亡與孀媳撫諸孫守節四十一年

黃日文妻陳氏年二十二夫亡遺孤邦彥甫二齡
撫育入監守節四十八年

黃學緒妻談氏年二十六夫亡氏撫孤成立守節

三十六年

職員楊樹能妻陳氏年二十八夫亡翁年邁姑耳
龔氏曲意承奉守節三十六年

楊立功妻徐氏年二十九夫故堂上白髮待養膝
下黃口靡依氏孝慈兼盡守節三十七年

李世備妻周氏年二十七寡撫子成立守節五十
年

朱啟簡妻馬氏選拔承緒之母年二十五夫歿朱
故邑巨家至是中落氏往依其母以針黹度日
母晚病風癱不能語言轉側氏量其飢渴以爲

遠安縣志

節孝

二十五

卷四

飲食日則坐床頭績夜則設榻其下寢焉盛夏
欲浴以帶束其兩脇挽之起冬苦足軟設火於
床覆絮其上仍不時手探之寒則復進以火如
是者凡四年未嘗須臾離左右子就外傅束脩
薪米皆以時供給無缺族人勸其棄學充役
者氏斥之曰爾不欲我以清白貽子孫而俾之
爲胥吏耶以故其子益激勵爲學弱冠卽補弟
子員食餼咸豐辛酉選拔如氏者可謂巾幗丈
夫矣守節四十八年

劉明英妻曾氏年二十三夫亡僅遺一女事姑三

十餘載人言無間守節四十年

陳國安妻袁氏年二十九夫亡撫子崇仁崇高俱業儒守節三十七年

張必秀妻陳氏年二十六夫亡遺孤翊常甫三歲公姑俱年邁氏勤儉持家漸致豐裕守節五十八年子翊常壽至八十優以八品

徐士偉妻嚴氏年二十五偉亡遺孤正剛正倫嘉慶初正倫方娶婦教匪粹至氏抱新婦何氏守夫幃家口保全守節五十六年

謝祖興妻張氏年十九適謝三月而夫亡夫家欲

遠安縣志

節孝

二十六

卷四

奪其志氏不可歸依父未四年而父亦歿撫弟

大順大鵬成立守節五十四年

萬毓楚妻許氏年二十四夫亡撫子國成娶媳徐氏年二十三寡媳體姑志艱貞自矢許守節五十八年徐守節四十年

汪文經妻湯氏年二十六夫亡撫孤成立守節三十八年

汪文輝妻徐氏年二十四夫亡子甫十四口氏孝事公姑撫子成立守節四十二年

陳大川妻張氏年二十三夫卒遺孤德榮甫三歲

氏守志事翁姑以孝撫子列職守節四十年
李耀身妻李氏年十八夫亡生子成儒上無公姑
亦無伯叔家貧惟以紡績度日守節四十二年
王正維妻汪氏年二十六夫亡氏事公姑以孝處
妯娌以和治家以勤儉勗姪以詩書守節三十
四年學憲孫獎以徽揚彤管

周大琦妻湯氏年二十二夫亡家貧躬親農桑撫
子成立勞苦終身守節四十年

陳新蘭妻熊氏年二十二夫亡翁姑俱存子幼氏
仰事俯育各盡其道守節三十九年

遠安縣志

節孝

二十七

卷四

易士茂妻何氏年二十七夫亡父母憐氏無子勸
再醮氏矢志不從孝事翁姑不使叔季分任視
姪庠生先登猶子守節三十六年

翟冠羣妻望氏年二十四羣溺水亡氏欲自溺以
殉或以翁姑待養大義曉之乃止代夫盡孝撫
嗣子成立守節四十年

黃天品之妻張氏年二十九夫亡家貧紡績傭工
撫二子成立望孫數十載忽次媳四十八歲舉
一子時氏年九十矣人以爲苦節之報

黃光照之妻潘氏年二十一夫亡子繩武甫周歲

有因其貧勸令改適者氏對靈立誓勤苦撫孤親族不乏殷實從未俛首告貸守節三十三年廩生陳教孝妻張氏年二十六夫故事姑曲盡色養撫孤苦讀詩書婦道無虧母儀足式子家鎔列庠補增守節二十七年

蔡大濟妻楊氏年二十五夫亡子光霽光昇一孩提一襁褓其翁武生正楷貧而多子孫常不舉火有勸氏改適者堅拒之紡績灌園以精鑿奉翁姑而自與子食粗糲守節二十七年

彭尙清妻楊氏年十九夫故遺腹得一子家貧食

遠安縣志

節孝

二十八

卷四

力孝事翁姑撫孤嘉樹列庠食餼鄉黨賢之守節三十三年

董榮萱之妻楊氏年二十夫故遺腹生一女事姑孝喪葬如儀族人利其產令改適氏曰吾夫讀書未雋賚恨以歿未亡人不能從於地下以姑與女耳再有言者當以死報之正氣服人族乃不敢言撫女擇配適孝廉方正劉爲錚守節三十三年

王開泰繼妻劉氏年二十六夫故灌園茹苦撫前妻三女如己出擇配遣嫁竭盡心力守節二十

七年

黃元祚妻翟氏年二十六夫操武功洗馬於南門
河溺水亡遺孤開筌甫週歲教以義方卒年八
十七守節六十二年得見元孫邦彥列庠

孫耀祖妻李氏年二十八夫亡遺一子無伯叔教
以忠孝次孫國寶列庠壽八十有五

汪盛滋妻徐氏年二十六夫亡勤儉撫子長子春
翹人監孫弼臣列庠現年八十二

許正心妻李氏廩生李作輔女幼矢怙恃伯父作
殿撫之出閣井白親操事翁姑以孝言笑不苟

遠安縣志

節孝

二十九

卷四

處閨闈以嚴夫卒遺一女立姪承祀壽八十一
守節六十餘年

傅開泰之妻朱氏與夫弟開禹之妻游氏夫亡俱
無子惟泰有二女立姪承祭今各家子女繁衍
人以爲雙節之報

陳□玠妻袁氏年二十四夫亡家貧事翁姑孝撫
幼子成立族惡強逼改嫁四次以死拒之眾心
感化義之而去自此辛勤節儉銖積寸累家道
漸興壽八十四日見四代子治朝克體母志出
必告反必面竟成孝友思義之家鄉黨皆欽仰

焉

韓陽禮妻王氏年十六于歸二十三夫故遺一子甫二歲教之耕讀列監守節三十七年精神康健獨子多孫學憲孫獎以巾國完人

傅和祥妻游氏年二十八夫亡撫子開芹成立守節三十二年

劉紹鴻妻游氏年二十四夫亡撫嗣子宏蔚成立列監守節四十九年

程光綉之妻陳氏年二十七夫亡撫子寶樹列庠次亦列職

遠安縣志

節孝

三十

卷四

劉國倫之妻熊氏年十七于歸半載夫亡孝事孀姑如母姑病歿哀傷憂鬱歲餘而卒戚隣憐之汪文經之妻湯氏于歸年餘夫亡氏事舅姑孝撫子尙科勤儉耕讀四孫皆具人文氣守節六十年